

امي

جيت ع بيدر الدر والمرجان  
عُربل حروفي من زوان نقيها  
وكيل وزنها بمكيال ميزان  
عطاياها وحجم الحب لفيها  
وتوجها قوافي ع راسها تيجان  
واكتب قصيد شعر فيها واحكيها  
غصت بحور الشعر قطعت خلجان  
فتش عن كلمتين اقدر كافياها  
رحت عا نص القصيده حط عنوان  
اختار نقي اسم من اسامياها  
القلم بايدي تلبك والحرف عاللسان  
تخير وكلمتي ما قدرت كفيها  
احترت شو اكتب تكافي هيك انسان  
بتشيل من روحها وقلبها و تعطيها  
غمرة حضنها وحبها الدفیان  
لو بردان جيت ضلوعي تدفيها  
ربتي برمش العين بحفظ وامان  
عطيتني كتير وما قدرت اعطيها

تضحية وطهاره صبر و ايمان  
عجز الصبر عن صبرها و تفانيها  
بندهلها ماما، روعي او نبع الحنان  
اي لقب اي عنوان بتحب نادياها  
وقفت ع حرفي الاول متردد وحيران  
ركب من الابدديه حروف ل سميها  
اتصفحت بالانجيل قرأت بالقرآن  
نقضت غبار دفاتر كنت ناسيها  
فلفشت بالتاريخ رجعت بالازمان  
تا شوف رب الكون اي اسم عاطيها  
سألت شعار الفكر والزجل والأوزان  
وكتاب الروايه سألت راويها  
بحثت عن مفرده بمعاجم علم البيان  
بلكي لقيت كلمه بترضيها  
بصدق ثلاث حروف رجحوا الميزان  
حملت جواتها صفات الام و معانيها  
امي يا امي ثلاث حروف بارك الرحمن  
اسم منزل بقران  
اظهر اسم بيليق فيها  
خضر خليفه

